

ՋԱՆԻԼԻՆԸ ԴԱԴԱՐՈՒՄ Է ԹԵՐԹԵԼ ԷԿՐԱՆԸ

Նա շատ էր ուզում տեսնել
հաջորդ տեսահոլովակը
Եվ հաջորդը: Եվ հաջորդը:

Շառլոտ Լարկաբալ Սփիքմեն
(Հիմնված է իրական պատմության վրա)

Այս պատմությունը տեղի է ունեցել
Մալայզիայում:

Ջանիլինը բթամատը սահեցնում
էր հեռախոսի էկրանի վրայով: Տեսանյութերը հետևում
էին միմյանց: Նա կանգ առավ
դրանցից մեկի վրա, հետո նորից
շարունակեց արագ թերթել:
Ապա նա կանգ առավ մեկ այլ
տեսանյութի վրա: Խոսում էին շատ
վատ բառապաշարով, սակայն

դա զվարճալի էր, ուստի, նա
շարունակեց դիտել: Եվ հետո
շարունակեց թերթել էկրանը:

«Ջանիլին, ուզո՞ւմ ես նկարել»:

Նրա կրտսեր քույրը` Ջոջոն, օդում
թափահարեց մի թերթիկ:

Ջանիլինը հայացքը

բարձրացրեց: «Ոչ հիմա»:

«Լավ»: Ջոջոն խոժոռվեց

և թուղթը ցած դրեց:

Թերթեց: Թերթեց: Թերթեց:

Գեղեցիկ կենդանիների

տեսանյութեր: Հայտնի

մարդկանց տեսանյութեր:

Պարող երեխաների

տեսանյութեր: Եվ մի

քանի տեսանյութ, բայց

Ջանիլինը գիտեր, որ պետք է

չէ դիտել դրանք: Նույնիսկ

ավելին էին, քան մի

քանիսը: Ջանիլինը սկսեց

այնպիսի զգացողություն

ունենալ, որ ինքը պետք է

դադարեցներ դիտել դրանք:

Բայց մարդիկ նաև շատ

լավ բաներ են տեղադրում,

- մտածեց նա: Նա նույնիսկ

սովորել էր նկարելու նոր

հմտություններ մի քանի

տեսանյութերից:

«Ջանիլին», - կանչեց մայրիկը:

«Հը՞մ»: Ջանիլինն այս անգամ

նույնիսկ հայացքը չբարձրացրեց:

«Այս երեկո մենք բրինձ

ենք ուտելու տապակած

ծովամթերքով», - ասաց մայրիկը:

«Կօզնե՞ս ինձ պատրաստել այդ

ամենը»:

Ջանիլինը սիրում էր բրինձը

տապակած ծովամթերքով:

Սակայն նա չէր ցանկանում

օգնել այդ պահին:

«Կարո՞ղ եմ ես պարզապես

սեղան զգել», - հարցրեց

նա: «Ես կարող եմ հետո

նաև օգնել ամանները

լվանալիս», - խնդրեց նա:

«Լավ», - ասաց մայրիկը:

«Բայց դու պետք է սեղան զգես

հենց այն պահին, երբ ասեմ:

Եվ այդ ժամանակ նաև պետք

է վերադարձնես հեռախոսը:

Պայմանավորվեցի՞նք»:

«Պայմանավորվեցինք», - ասաց

Ջանիլինը:

Ջանիլինը շարունակում էր

տեսանյութեր դիտել: Կրկին նա

զգում էր, որ չպետք է դիտեր

դրանք: Բայց նա շատ էր ուզում

տեսնել հաջորդ տեսանյութը: Եվ

հաջորդը: Եվ հաջորդը: *Թերթեց:*

Թերթեց: Դժվար էր կանգ առնել:

Ի վերջո, Ջանիլինը ցած դրեց

հեռախոսը: Դե, միգուցե նա կարող

է պարզապես ավարտել վերջին

տեսանյութը: . . .

Ոչ, ինքն իրեն

հաստատակամորեն ասաց

Ջանիլինը: Սուրբ Հոգին հուշում էր

նրան, և նա ուզում էր լսել: Նրա

ձեռքը դեռ պատվում էր հեռախոսի

շուրջը: Դա այնքան գայթակղիչ էր:

Ջանիլինը ամուր փակեց աչքերը:

Սիրելի Երկնային Հայր, - լուռ

աղոթեց նա: Ես ջանում եմ լսել

Սուրբ Հոգուն, բայց ես օգնության

կարիք ունեմ: Ես ուզում եմ

դադարեցնել այս տեսանյութերի

դիտումը, բայց ես վստահ

չեմ՝ ինչպես անել դա: Հիսուս

Քրիստոսի անունով, ամեն:

Շենց այդ պահին մայրիկը

կանչեց նրան, որ սեղան զցի:

Ջանիլինը վեր թռավ և ժպտաց:

Դա եղանակներից մեկն

էր՝ օգնելու նրան հեռացնել

հեռախոսից:

Ջանիլինը ափսեները շարեց

սեղանին: «Մայրիկ, ես մի քանի

վատ բան տեսա հեռախոսով», -

հանկարծակի ասաց նա:

Մայրիկը հայացքը դարձրեց

նրա կողմը: «Ի՞նչ բաներ»:

«Պարզապես վատ խոսքեր և

վատ տեսանյութեր»: Ջանիլինը

թոթվեց ուտելու: «Բայց *ամեն* ինչ

այդքան էլ վատ չէ»:

«Դու ինչպե՞ս վարվեցիր, երբ

տեսար վատ բաներ», - հարցրեց

մայրիկը:

Ջանիլինը մի պահ լուռ էր:

Նա ամեն ափսեի մոտ մի

բաժակ դրեց:

«Ես շարունակում էի դիտել», -

ասաց նա: «Ես չգիտեմ, թե ինչու:

Բայց Սուրբ Հոգին ինձ ասաց, որ

դադարեցնեմ, ուստի ես օգնության

համար աղոթեցի»:

Մայրիկը սեղանին դրեց

շոգեխաշած բրնձով և տապակած

ծովամթերքով ափսե: «Երբեմն

իսկապես դժվար է դադարել

անել բաներ, նույնիսկ երբ մենք

գիտենք, որ դա վատ է», - ասաց

նա: «Եվ երբ դա տեղի է ունենում,

լավագույնը, որ մենք կարող ենք

անել, աղոթելն է»:

Ջանիլինը ժպտաց: «Այսպիսով,

ես ճիշտ եմ վարվել»:

«Իհարկե»: Մայրիկը

Ջանիլինին գդալներ տվեց

սեղանին դնելու համար: «Եվ

ինտերնետն ամենևին էլ վատ

բան չէ: Այն կարող է օգնել

մեզ կապվել ընկերների հետ և

կիսվել գաղափարներով: Բայց

կարող է դժվար լինել նաև բոլոր

վատ բաներից հեռու մնալը:

Այսուհետ, եթե պատրաստվում ես

տեսանյութեր դիտել, արի դրանք

միայն միասին դիտելու: Այդ կերպ

ես և հայրիկը կարող ենք օգնել,

եթե ինչ-որ վատ բան տեսնես»:

Ջանիլինը գլխով արեց: Հաջորդ

անգամ նա տեսանյութեր կդիտեր

մայրիկի և հայրիկի հետ միասին:

Բայց մինչ այդ, կային բազմաթիվ

զվարճալի բաներ, որոնք նա

կարող էր անել առանց հեռախոսի:

«Կասե՞ս բոլորին, որ ընթրիքի

ժամն է», - հարցրեց մայրիկը:

«Այո: Իսկ ընթրիքից հետո ես

պատրաստվում եմ նկարել Ջոջոյի

հետ»: ●

